

Visoki predstavnik i specijalni predstavnik EU Inzko razgovara sa liderima stranaka iz FBiH



Visoki predstavnik i specijalni predstavnik EU za Bosnu i Hercegovinu Valentin Inzko ove sedmice obavlja konsultacije sa visokopozicioniranim predstavnicima stranaka iz Federacije (FBiH). Cilj ovih konsultacija je da se još jednom istakne potreba da stranke prevaziđu trenutnu blokadu u formiranju vlada na kantonalmom, federalnom i državnom nivou bez dalnjih odlaganja.

Danas se u Sarajevu, na odvojenim sastancima, visoki predstavnik i specijalni predstavnik EU Inzko sastao sa liderom SDP-a Zlatkom Lagumđijom i potpredsjednikom NSRzB Jerkom Ivankovićem Lijanovićem.

“Trenutna situacija je neodrživa”, rekao je danas visoki predstavnik i specijalni predstavnik EU Inzko. “Članovi skupština i političke stranke iz četiri kantona ne mogu beskrajno držati Federaciju i BiH kao svoje taoce. Ti kantoni moraju pod hitno imenovati svoje delegate u Dom naroda FBiH.”

Visoki predstavnik i specijalni predstavnik EU Inzko u predstojećem periodu će nastaviti razgovore sa liderima stranaka.